



Rabu, 27 September 2023

Ogen : Amos 7:7-9



Iruntuhkan Dingen Iradasken



Tali sipat eme sada alat pertukangen si ipake guna ngukur ketegaken lurusen dinding bangunen. Penting kepe ngaturken kelurusan dinding bangunen make tali sipat e gelah ula seding bangunen e dinging la kokoh. Tali sipat e ngandingken kerna keadilan ras kebenaren. Sekali keadilan e la payo mahan bana jadi kecedan.

Bangsa Israel pe nggo salah i bas makeken perkuah ate Dibata. Keadilen ras kebenaren lanai jadi perayaken bangsa bagepe pemimpin-pemimpin bangsa e. Desken bangunen si nggo seding dindingna, la ate Dibata ruahna bangsaNa sabap jadi ateNa. Saja gelah ipekena la banci lang bangsa e arus iruntuhkan dinging iradasken gelah bagi mula-mula tujuan kehadiran bangsa e eme nuduhkan kiniulin Tuhan, jadi pasu-pasu man bangsa si deban. Emaka arah nabi Amos Tuhan ncidahkan pengenehenen kerna pengukumen bangsa e. Maka Tuhan ngeruntuhkan ras ngeradasken bangsa e guna mbangunsa ngulih, jadi sada kerajan si paguh dinging la terundu. Si kin e denggo igeneppi arah Jesus Kristus ras kerajanNa.

Desken bangunen si langa dung ibangung, bage me kegeluhenta bas doni enda asa kita nggeluh denga. Kidekah masa e arus tetap kita njagai gelah ula sempat lanai payo bangunen kiniteken e tegak lurus kempak Tuhan. Sabap kita idilo guna ncidahkan ras makeken keadilan ras kebenaren man jelma sekelewetta. Ola terlambat kita ngeteh salah ras dosanta, maka ula sempat runtuh ras iradasken Dibata maka kita ngulih jera kempak ia.

👉 Kita kap bangunen kula Kristus, tetaplah paguh.